
II. DOKUMENTUA. ENERGIA EOLIKOAREN EAEko LPS: XEDAPENAK

I. TITULUA

Xedapen orokorrak

1. artikulua- Parke eolikoaren definizioa

Lurralde Plan Sektorial honetan, parke eolikoak dira energia eolikitik elektrizitatea sortzeko instalazioak. Elektrizitatea hainbat sorgailuen bidez sortzen da. Aerosorgailuak elektrizitatearen eta sare propioen bidez elkarrekin konektatuta daude. Instalazio horietara heltzeko, horiek kontrolatzeko azpiegitura berak erabiltzen dira. Bestalde, instalazio horiek beren energia neurtzeko aparatuak dituzte eta energia banatzeko sare orokorrera konektatuta daude.

2. artikulua- Lurralde Plan Sektorialaren eremua

1.- Planaren lurralde eremua Euskal Autonomia Erkidegoa da.

2.- Energia eolikoaren Lurralde Plan Sektorialaren eremu materiala ezaugarri hauek dituzten parke hauek bakarrik osatzen dute: zortzi aerosorgailu baino gehiago edukitzea, sortutako energia sare orokorrera botatzea eta 10 MW baino potentzia handiagoa edukitzea.

3.- Aurreko puntutik at geratzen diren energia eolikoaren gainerako instalazioek instalazioei buruzko derrigorrezko industria-baimena beharko da, eta hala behar izanez gero, ingurumen-inpaktuaren ebaluazioa ere bai; lurzoruari buruzko Legea errespetatu beharko dute, bestalde, ezarri nahi direnean.

Instalatu nahi izanez gero, lurzoru ez urbanizagarrian, hirigintza-plangintzak debekatzen ez duen zonetan, lizentzia lortu aurretik hirigintza-legerian aipatzen den administrazio-baimena lortu beharko da lurzoru-mota horietan ezarri nahi diren erabilera publikoko edo interes sozialeko instalazioentzat.

3. artikulua- Energia eolikoaren Lurralde Plan Sektorialaren xedea eta izaera

1.- Lurralde Plan Sektorialaren xedea da Euskal Autonomia Erkidegoan parke eolikoak ezartzeko kokalekurik egokienak hautatzea. Planaren xedea da, halaber, planifikazio hori lurralde antolamendurako politika oso baten barruan sartzea, garapen eolikoan inplikaturik dauden sektoreen interesak koordinatuz.

2.- Lurralde Plan Sektoriala lurralde antolamenduko tresna bat da. Horrela, Planaren bidez nahi da energia mota hau garatzeko behar diren parke eolikoak lurraldean egoki banatzea; nahi da, halaber, sektoreetan (energetiko-eolikoa, lurraldea, eta hirigintza) administrazio publikoen esku-hartzeko eskubideen koordinazioa bermatzea.

Zentzu horretan, energia eolikoaren Lurralde Plan Sektorial honen objektua eta eremua osatzen duten jarduerak bi ezaugarri nagusi dituzte: lurraldetasuna eta udalerrizgaindiko ikuspegia.

4. artikulua- Lurralde Plan Sektorialeko xedapenen xedea

Xedapen hauekin nahi da aplikazio orokorrerako arau zehatzak ezartzea, Euskal Autonomia Erkidegoan parke eolikoak ezartzeko prozedura antolatzeko eta bideratzeko asmoz.

II. TITULUA

Edukia, ondorioak eta garrantzia

5. artikulua- Edukia eta garrantzia normatiboa

1.- Lurralde Plan Sektorial hau dokumentu hauek osatzen dute:

I. Memoria.

II. Xedapenak.

III. Planoak.

- A taldea: ordenazio planoak.

- B taldea: informazio planoak.

IV. Eranskinak.

2.- Plan honen eduki arau emailea Plan hau osatzen duten dokumentuek osatzen badute ere, *II. Dokumentua – Xedapenak, eta III. Dokumentua – Planoak, A taldea: ordenazio planoak* dira, zehatzago esanda, arau emate izaera hori duten dokumentuak. Eta dokumentu horiek dira, beraz, zuzenean lotesten dutenak.

3.- Gainerako plano, dokumentu, memoria eta eranskinak dira, batik bat, adierazgarritzat hartzeko, erreferentziatzat edukitzeko, azalpenak izateko eta justifikatzeko. Beraz, dokumentu horien eta 2 atalean aipatutakoen artean kontraesanik egonez gero, azken horiek diotena balioko du.

6. artikulua- Ondorioak, hirigintza plangintzako tresnengan. Hirigintza planak egokitzea

1.- Lurzoruari buruzko Legean araututako hirigintza planak moldatu egin beharko dira energia eolikoaren Lurralde Plan Sektorial honetan ezarritakora; horretarako, urtebeteko epea egongo da. Horrela agintzen du maiatzaren 31ko Euskadiko Lurralde Antolamendurako 4/1990 Legeak (9. artikulua).

2.- Edozein modutan, Lurralde Plan Sektorialeko xedapenak, ordenazio planoetakoak barne, argitaratzen diren momentutik bertatik udalerrietako planen eta Arauen xedapenen gainetik egongo dira, baita Plan honetako xedapenetara egokitu ez badira ere.

7. artikulua- Xedapenen garrantzia

Lurralde Plan Sektoriala behar adinako tresna egokia da, lurralde eta hirigintza aldetik begiratuta, lurgainean aurreikusten diren ekintzak justifikatzeko. Horrela, bigarren xedapen gehigarrian aurreikusten diren kokalekuetan parke eolikoak instalatzeko ez da behar izango, garatzeko edo zehazteko beste tresnarik; IV. Tituluan aipatzen diren proiektu teknikora tresnak bideratzearekin eta onartzearekin nahikoa izango da.

8.- Betearaztea, derrigortzea eta desjabetzeko legitimatzea

1.- Lurralde Plan Sektorial hau behin betiko onartu eta argitaratzen denean berehalaxe betearazlea izango da.

2.- Lurralde Plan Sektorial honek kasu bakoitzean eskumena duen administrazioa derrigortuko du garatzera bertan aurreikusitako ekintzak eta hirigintza ordenazioko tresnak; derrigortuko ditu garatzera, halaber, aukeratutako kokalekuei eragiten dieten sektore tresnak ez ezik, parke eolikoak ezartzera doazen partikularrak ere bai.

3.- LPS hau onartzen denean, bertan aurreikusten diren ekintza guztiak herri erabilerarako deklaratu dira, gero behar diren lursailen jabetza kentzeko asmoz, eta baita ekintza horiek burutzeko eskatzen diren zorrak ezartzeko eta erabiltzeko ere.

4.- Azpiegiturak eraiki, erabili eta babesteko, edota pertsonen eta ondasunen segurtasuna bermatzeko, behar den jabetza kentzerakoan edo mugatzerakoan,

Sektore elektrikoari buruzko 54/1997 Legea, azaroaren 27koa, hartuko da kontuan (IX. Titulua), edo bestela, Estatuko legeria edo hori ordezkatzeko eta/edo garatzen duen Autonomia Erkidegoko legeria.

5.- Instalazioak herri erabilpenerako direla onartzeko, beharrezkoa izango da enpresa interesdunak hala eskatzea. Eskarera eskatzaileak banan-banan aipatuko ditu bere iritziz desjabetu behar diren ondasunak eta eskubideak.

Ondasunak eta eskubideak herri erabilerarako direla deklaratzeko berekin dakar beti deklarazioak ukitzen dituen ondasunak hartzea eta eskubideak eskuratzea, eta baita presazko okupazioa ere (Nahitaezko Desjabetzapenari buruzko Legea, 52. artikulua). Ondasunak eta eskubideak herri erabilerarako deklaratzeko berekin dakar, halaber, instalazio elektrikoa lursailetan ezartzeko edo lursailetatik pasatzeko baimena. Lursail horiek Estatuarenak edo Autonomia Erkidegoarenak izan daitezke (jabetza, erabilera edo zerbitzu publikokoak edo ondare ondasunak) edota Lurralde Historikoarenak edo udalerriarenak ere bai (erabilera publiko, bereak edo komunalak, edota obra, zerbitzu eta zor publiko eremuetakoak).

III. TITULUA

Iraupena, berrikuspena eta aldaketa

9. artikulua- Iraupena

Lurralde Plan Sektorial honen iraupena mugagabea izango da.

10. artikulua- Berrikuspena

1.- Indarrean dagoen bitartean, Planean egin daitezkeen aldaketak alde batera utzita, zortzi (8) urtean behin aztertuko da Plana berrikustea komeni den ala ez. Plana beste edozein unetan, aurretik eta ondoren, berrikus daiteke, onartzen den maila goragoko xedapenak hala eskatzen badu.

2.- Aurreko puntuan esandakoa ahaztu gabe, Industria, Merkataritza eta Turismo Sailak lau urtean behin informatuko dio Euskadiko Lurralde Antolamendurako Batzordeari Lurralde Plan Sektorial hau errealitatera zenbat egokitzen den, eta behar izanez gero, berrikustea ere aholkatuko dio.

3.- Plana berrikusteko, Plana onartzeko erabilitako jardunbide bera erabiliko da.

IV. TITULUA

Parke eolikoak burutzea eta jarraitzea

11. artikulua- Parkeak burutzea. Instalazioak baimentzea

1.- Lurralde Plan Sektorial honetan (bigarren xedapen gehigarria) aukeratutako kokalekuetan parke eolikoak ezartzeko, aurretik instalazioen administrazio baimena lortu beharko da eta proiektu teknikoa onartu, legeria elektrikoaren arabera.

2.- Industria, Merkataritza eta Turismo Sailak, instalazioen inguruko administrazio baimena emateko eskudunak, eskaerak ebatziko ditu, sektore legeriako eta, batez ere, Lurralde Plan Sektorial honetako irizpideak eta baldintzak kontuan hartuz.

3.- Baldin eta zona berean eta arau bidez ezarritako epean, parke eolikoak ezartzeko bi eskaera edo gehiago badaude, Industria, Merkataritza eta Turismo Sailak proiekturik egokiena baimenduko du, horretarako finkatuta dagoen prozedura bidez; horretarako, irizpide hauek erabiliko ditu: inizatiba eduki izana, behar adinako gaitasun teknikoa eta finantzarioa edukitzea, teknikoki bermatzea ekoizpen energetikoaren eta ingurumen-eraginaren arteko erlazio egokia, besteak baino hobeto egokitzea energia-plangintzara, eta Autonomia Erkidegoarentzat abantaila sozioekonomikorik handienak ekartzea.

4.- Instalazioak ezartzeko administrazio baimenaren helburua izango da parke eolikoan horrelako parke batek eskatzen dituen zerbitzuak eta instalazioak ezartzea, horien segurtasun baldintzak eta baldintza teknikoak bermatzea eta parkearen inguruko hainbat balore zaintzea (natura, hirigintza, paisaia, kultura, nekazaritza, abeltzaintza eta basoen inguruko baloreak).

5.- Instalazioen baimena eskatzen duenak egiaztatu beharko ditu eskatutako instalazioen inguruko baldintza teknikoak eta segurtasun baldintzak, ingurumena babesteko baldintzak ondo betetzea eta duen ahalmena (legala, teknikoa eta ekonomikoa) eskatutako proiektua burutzeko.

6.- Parke eolikoak instalatzeko administrazio baimena Industria, Merkataritza eta Turismo Sailak emango du, sektore elektrikoko azaroaren 27ko 54/1997 Legearen arabera eta instalazio hauen inguruko gainerako Estatuko legeriaren edo hori ordezkatzeko eta/edo garatzen duen Autonomia Erkidegoko legeriaren arabera.

7.- Baimenak emango dira ahaztu gabe, betiere, behar izan litezkeen beste emakida, lizentzia edo baimenak, aplikagarriak diren beste xedapenen arabera.

8.- Industria, Merkataritza eta Turismo Sailak ez du baimenik emango, baldin eta proiektuak ez badu jasotzen ingurumen inpaktuari buruzko aldeko ebaluazioa, hori emateko organo eskudunarengandik legeria edo Lurralde Plan Sektorial honetako funtsezko xedapenak errespetatzen ez baditu, konponezinezko hutsune teknikoak baditu edo behar adinako aurrekontua ez badu. Sailak baimena ez emateko ebazpena arrazoitu egingo du.

12. artikulua- Ingurumen inpaktuari buruzko ebaluazioa

1.- Aurreko artikuluan esandakoa ahaztu gabe, Lurralde Plan Sektorial honetako parke eoliko bakoitzari ingurumen inpaktuari buruzko ebaluazioa egingo zaio, Ingurumena Babesteko Euskadiko 3/1998 Lege Orokorrek dioenez.

2.- Aurreko artikuluan aipatutako baimena eman aurretik, proiektuak aurreko zenbakiko prozedura jarraituko du. Prozeduraren amaieran organo eskudunak ingurumen inpaktuari buruz bere iritzia emango du: proiektua, ingurumenaren aldetik bakarrik ikusita, komenigarria den ala ez esango du. Komenigarria dela adierazten badu, proiektua burutzeko baldintzak ezarriko ditu.

3.- Lurralde Plan Sektorial honetako instalazioen ingurumen inpaktuari buruzko deklarazioa egiteko organo eskuduna da Euskal Autonomia Erkidegoko ingurumen organoa.

4.- Ingurumen inpaktuari buruzko deklarazioa loteslea izango da, proiektua burutzeko neurriei eta baldintzei dagokienez. Aurkako deklarazioa bada, ezinezkoa izango proiektua gauzatzea.

5.- Ondorio guztietarako eta batik bat ingurumen inpaktuari buruzko deklaraziorako, deklarazio horren edukia aurreko artikuluko instalazioen baimenaren edukiaren balio eta eraginkortasun berdina izango du.

6.- Proiektua jendaurrean jartzeko izapidea (ekainaren 28ko 1302/1986 Errege Dekretu Legegilea) Industria, Merkataritza eta Turismo Sailak gauzatuko du, proiektuaren instalazioak baimentzeko prozeduraren barne.

7.- Proiektuak ingurumen-inpaktuaren inguruan banan-banan ebaluatzeko, eta ahaztu gabe irailaren 30eko 1131/1988ko Errege Dekretuko, Ingurumen-inpaktuaren ebaluazioa gauzatzeko Erreglamendua onartu zuen Errege Dekretuko 13. artikuluan

eta ondorengoetan esandakoa, ingurumen inpaktuari buruzko azterketa eduki beharko du. Azterketan, gutxienez, datu hauek jasoko dira:

1.- Proiektuaren deskripzioa eta ekintzak

Proiektuaren deskripzio orokorra egingo da. Zehatzago azalduko dira ingurumenean eragin nabarmenak izan ditzaketen ekintzak; horretarako, azterketa zehatza egingo da bai proiektua burutzeko faseariburuz, bai funtzionamendu faseari buruz.

Saihestu edo zuzendu nahi diren eraginen jatorria proiektuan planteatzen den jarduera bera izan daiteke edo horren jarduera osagarriak.

Argi eta garbi geratuko dira:

- Kokaleku geografikoa.
- Jarduera. Aerosorgailuak: kopurua, kokalekua eta ezaugarriak (tamaina, kolorea...).
- Ondoko azpiegiturak:
 - Azpiestazio elektrikoa: kokaleku aukerak, aukeratutako kokalekuaren justifikazioa.
 - Sare elektrikoarekin konektatzeko linea: trazatu aukerak, aukeratutako kokalekuaren justifikazioa.
- Ingurumenean eragina izan lezaketen jardueraren inguruko ekintzen zerrenda:
 - Prozesuen deskripzioa eta erabilitako materialak.
 - Egin beharreko obra zibilak: behar diren egiturak, ezaugarriak.
 - Lur mugimenduak: deskripzioa, kopurua, geratuko den erliebearen ezaugarriak...
 - Behar den lursail azalera guztia, zehaztuz egitura propioa, eragiketa lagungarriak...
 - Obren inguruko bideak eta sarbideak, behin-behinekoak nahiz behin betikoak. Trazatuen justifikazioa.
 - Proiektuko faseetan sortutako hondakinak: ezaugarriak, tratamendua, lixibiatzea...
 - Emisioak eta isurketak: izaera, tratamenduak.

-
- Soberakinen deposituen kokalekua eta horien inguruko azpiegiturak.
 - Ubideak saihestu, kanalizatu... beharra (behin-behinekoak eta behin betikoak).
 - Sortutako hautsak, zaratak eta bibrazioak.
 - Arlo desberdinetako azpiegiturak eta zerbitzuak (sare elektrikoa, bideak...).
 - Osasunarentzat eta ondasun materialentzat arriskutsuak diren jarduerak zehaztuta.
 - Obraren plana. Obrak egiteko gutxi gorabehera beharko den denbora.
 - Obraren kostu ekonomikoa.

Ondorioztatutako edo lotutako jarduerak (erauzketak, trafiko pisua ugaritzea)

2.- Alternatiben azterketa eta aukeratutako soluzioaren justifikazioa.

Ingurumen inpaktuko azterketak justifikatuko du proposatutako kokalekuaren aukeraketa, beste aukeren aurrean, egongo balira. Eta kokaleku aukera gehiago egongo balira, konparaketa egingo litzateke aztertuz aukera bakoitzaren eragina inguruneke elementuengan.

3.- Ingurumen inbentarioa eta funtsezkoak diren elkarrekintza ekologikoen edo ingurumenekoen deskripzioa.

Atal honetan, azterketak inguruaren deskripzio bat egin beharko du, eta baita proiektuarekin eragiten zaien espazioaren ingurumen baldintzena ere. Obrekin hasi aurretik, lekua eta lekuaren ingurumen baldintzak aztertuko dira, eta baita egon daitezkeen lurzoru erabilpenak eta beste baliabide naturalen aprobetxamenduak ere; kontuan izango dira aurretik dauden jarduerak. Gutxienez aztertuko dira irailaren 30eko 1.131/88 EDko 6. artikuluan agertzen diren alderdiak, proiektuak eragin diezaieken alderdiak, alegia.

Ingurumen inbentarioaren atal bakoitza balioztatuko da. Balioztatzeko marko bezala hartuko da espazio erreferentzia bateko (bertakoa, erregionala edo besteren bat) elementuen garrantzia erlatiboa.

Kontuan hartuko dira, bereziki, ondoren aipatuko diren alderdiak, eta arreta berezia ipiniko da azterketan bereziki aztertu behar diren alderdietan:

- Geologia eta Geomorfologia.
 - Ezaugarri geoteknikoak.
 - Interes geologikoko puntuak edo areak.
- Lurgaineko eta lurrazpiko hidrologia.
 - Aipatuko dira aldi baterako eta etengabeko uren eta instalazioko elementuen arteko elkarrekintzak.
 - Urguneen inbentarioa (putzuak, uraskak...).
 - Ur hartzeak, uraren erabilpenak adieraziz.
 - Akuiferoen zaurgarritasuna.
- Arean dauden biozenosisen eta ekosistemen deskripzioa.
 - Eragindako landaretza eta fauna, adieraziz kontserbazio maila, egituraren konplexutasuna, dauden espezieak (berezkoak, enblematikoak edo aipagarriak)... Bereziki zehaztuko da proiektuak eragin diezaiokeen hegazti fauna, kontuan izanik habiak, espazioaren erabilpena (espezie enblematikoen larreratzeguneak, migrazio bideak...).
- Paisaia. Batik bat alderdi hauek:
 - Ikuspena.
 - Bertako paisaiaren kalitatea.
 - Hauskortasuna.

Arreta berezia jarriko da paisaiaren kalitatea definitzen duten paisaiaren berezko elementuetan, kontuan izanik EAEko mendiguneetan nabarmenak diren alderdi estetiko-kulturalak. Horrela, osagai naturalak eta erabilpenenak, elementu estetikoak, eta hortik ondorioztatzen den emozio giroa.
- Jendeak betidanik biltzeko erabili ohi dituen puntuak edo guneak, barrutietarako, ganaduentzako, aisialdirako, ibilaldiak egoteko... bideak. Proiektuan identifikatuko dira puntu edo bide horiek ukitzen dituzten guneak.
- Ondare historiko kulturala.
- Lurralde antolamendua, sektore antolamendua barne.

Irudikapen kartografikoak jaso beharko dira. Horietan gutxienez jasoko dira ondoren aipatuko diren alderdiak. Proiektuak ukitzen duen azalera guztia jasoko da, erantsitako azpiegiturak barne:

Eskala 1:5.000 edo zehatzagoa:

- Interes geologikoa eta geomorfologikoa duten puntuak.
- Natur interesguneak.
- Interesgune historiko kulturalak.
- Urguneak.

Proiektuko eskalan:

- Aerosorgailuen kokalekua.
- Garraio elektrikoaren sarearen trazatua.
- Transformaziorako azpiestazioaren kokalekua.
- Behin-behineko eta behin betiko sarbideak.
- Soberakinen deposituen kokalekua.

Lurralde eta sektore plangintza, definituta dagoen eskalan.

4.- Inpaktuaren identifikazioa eta balioztatzea, bai aukeratutako soluzioarena, bai beste alternatibena.

Inpaktuak identifikatuko dira proiektuaren eta proiektuak ukitutako zonako elementuen arteko elkarrekintzak aztertzen direnean. Kasu bakoitzean, inpaktua sortuko da proiektuak ukitutako elementuaren balorea galtzen denean.

Ingurumen inpaktuko azterketan antzemandako inpaktuak bilduko ditu, egitura honen arabera:

- Baliabide naturalen galera: Elementu hauengan gertatutako inpaktuengatik: balio duten ekosistemak, espezie enblematikoak, aniztasun biologikoaren oinarri den espazio ugaritasuna, interes geologikoko puntuak... Eraginaren tamaina neurtuko da kontuan hartuta zuzenean edo zeharka proiektuak ukitu dituen baliabideen kalitatea eta kantitatea.
- Balore estetiko-kulturalen galera. Paisaia baliotsuak daudelako: elementu naturalak eta horien erabilpena uztartu egiten dira, eta baita sortzen den estetika eta emozio giroa.

-
- Ondare historiko artistikoaren galera edo hondamena.
 - Giza osasunarengan edo lasaitasunarengan eragina, zuzen edo zeharka. Jendea bizi den inguruetan zarata mailak edo beste edozein eragozpen handitzeagatik.
 - Uraren kalitatearengan eragina. Uraren kalitatearengan (lurgainekoak eta lurpekoak) gerta litezkeen eraginak ebaluatuko dira, kontuan izanik baliabide honen gaur egungo kalitatea.
 - Ondasunei eragin diezaiekeen istripu arriskuak.

Ingurumen inpaktuko azterketan zehaztuko dira, ingurumen inpaktua ebaluatzeko edo balioztatzeko erabili diren metodologiak eta prozedurak. Inpaktuen tamainaren kalifikazioa, 1.131/88 EDko 10 artikuluko terminologiaren arabera egingo da.

Era berean, mailakatu egin beharko dira identifikatutako eta balioztatutako ingurumen inpaktuak, horien garrantzia erlatiboa ezagutzeko. Aurretik ingurumen kalitateko helburuak zehaztuko dira, muga minimoak jartzeko; horretarako, erreferentzia bezala indarrean dagoen legeria hartuko da kontutan, eta baita kasu bakoitzean eskumena duten organoen gidalerroak ere.

5.- Neurri zuzentzaileen eta babesleen ezarpena.

Aipatuko dira neurri zuzentzaileen proiektuak bereziki azpimarratu behar dituen alderdiak. Neurrien proposamena eta garrantzia espero diren inpaktuen tamainaren arabekoak izango dira. Ingurumen inpaktuaren azterketan identifikatuko dira, bidezkoa bada, inpaktuak zuzentzeko ekintza bakoitza, dagokion aurrekontu partidarekin.

Inpaktuak zuzentzeko neurrien proiektuan jasoko dira, xehetasun osoz, aurreikusten diren neurri zuzentzaileak, eta baita obrak direla-eta ukitu diren lursailetan landaretza berriro jartzeko plana ere, proiektuaren inguruko azpiegituren tratamendua barne (transformazio elektrikorako azpiestazioa, sare elektrikoarekin konektatzeko linearen trazatua, behin-behineko eta behin betiko sarbidea, soberakinen deposituak edo zorguneak eta bideen berritzeak). Inpaktuak zuzentzeko neurrien proiektua, dagokion aurrekontuarekin, hirugarrengeok gauzatzeko moduan garatu beharko da.

6.- Ingurumen zaintzako programa.

Ingurumen zaintzako programaren oinarrizko eginkizuna izango da sistema ezartzea, ingurumen inpaktuko azterketan jasotzen diren xedapenak eta neurri babesleak eta zuzentzaileak beteko direla bermatzeko. Horretarako, fase hauek aurreikusiko dira:

- Helburuak: Programak, izan behar dituen helburuak ezarriko ditu. Helburu horiek identifikatuko dituzte ukitutako sistemak, inpaktu motak eta aukeratutako adierazleak.

Programa eraginkorra izan dadin, adierazleak erraz neurtzeko modukoak ez ezik, ukitutako sistemaren erakusgarri ere izan behar dute.

- Datuak biltzea eta aztertzea: Datuak bildu eta jaso egingo dira; gainera, eskura egongo dira eta aldagaien arabera sailkatuko dira. Datuak noizbehinka jasoko dira, kontrolatua izaten ari den aldagaiaren arabera egongo da maiztasuna.
- Bildutako informazioa interpretatzea: Programako alderdirik garrantzitsuena da. Aldaketak interpretatzeko dauden bi teknika hauek dira: denboraldi luze bateko datu basea edukitzea edo lekuko zonetan kontrolatzea.
- Emaizten feed back: Lortutako emaitzek balio dezakete hasierako helburuak aldatzeko. Horregatik, jarraipen programa malgua izan behar du; programak, bestalde, ingurumenaren inguruan dauden arazoak ahalik eta egokien azaldu behar ditu.

7.- Laburpen dokumentua.

- Laburpen dokumentu bat sartuko da, ingurumen inpaktuari buruzko legerian agintzen den bezala. Dokumentuko informazioa zehatza izateaz gain, modu ulergarrian egongo da, jendeak, oro har, uler dezan proiektuaren izaera eta proiektuak ingurunean izango duen eragina. Bestalde, dokumentazio grafikoa ere sartuko da, jendaurrean azaltzeko.

13. artikulua- Ingurumen jarraipena

1.- Ingurumen inpaktuaren inguruko neurri zuzentzaileak behin praktikan jarri ondoren, parke bakoitza sustatzen duen enpresak burututako ekintzen jarraipena eta

kontrola egingo du, batik bat aurreneko urteetan. Jarraipen eta kontrol horren helburua izango da parkea egoki ari dela funtzionatzen egiaztatzea; halaber, beste ordezeko neurri batzuk aplikatzea, behar izanez gero, eta aurrekoek gaizki funtzionatzen dutelako; azkenik, jarduerak planteatzea, egoera berriak edo antzekoak sortu direlako.

2.- Aerosorgailuek hegazti faunan duten eragina benetan zehaztu ahal izateko, eraikitako parke bakoitzean enpresa sustatzaileek jarraipen plan bat garatu beharko dute. Plan horretan alderdi hauek zainduko dira: talkak, migrazioa eta bertako hegazti fauna, hegazti faunarengan izandako eraginak areagotu ditzaketen faktoreen azterketa.

14. artikulua- Gizartearen onarpenaren jarraipena

1.- Enpresa sustatzaileak parke eolikoaren inguruan bizi den jendearen artean inkestak egin beharko ditu, parkea martxan jarri eta urtebetera.

2.- Jendearen iritzia azterketa ez da bakarrik izango parkearen inguruko jendearena; unibertso sozial zabalagoetako iritzia ere jasoko da.

3.- Instalatutako lehen 100MW energia eolikoa martxan dagoenean, azterketa bat egingo da, instalazio mota hauen inguruan Euskadin dagoen iritzia buruz.

15. artikulua- Jarraipenaren urteko txostena

Euskal Autonomia Erkidegoan gutxienez parke bat duten enpresa sustatzaileek urtero txosten bat aurkeztu beharko diote Industria, Merkataritza eta Turismo Sailari. Txostenean hau azalduko da gutxienez:

- a) Energia elektrikoari buruzko ebaluazioa.
- b) Energia elektrikoaren ekoizpena.
- c) Helburuak betetzearen justifikazioa.
- d) Instalatutako parke eolikoen funtzionamenduaren ebaluazioa.
- e) Ingurumen jarraipenari buruzko txostena: konklusioak.

V. TITULUA

Hirigintza ordenazio berria

16. artikulua- Erabilpenen erregimena

1.- Lurralde Antolamendurako lldoetako ingurune fisikoari buruzko lldoan aurreikusitakoaren ondorioetarako, parke eolikoak zerbitzu ez linealetako (B mota) instalazioetan sartzen dira.

Lurralde Plan Sektorial honetan aukeratutako kokalekuetan parke eoliko bat ezartzea onartuko den erabilpen edo jarduera bat izango da, beste inongo garapen plangintzarik gabe, proiektuak bera instalatzeko behar diren baimenak bakarrik beharko dira; berdin dio lurzoruaren sailkapena eta kalifikazioa. Eta betiere ingurune fisikoari buruzko lldoan aurreikusitako ordenazio maila guztien barruan.

2.- Erabilpen hori onartuko da parke eolikoko aerosorgailuak jartzeko moduko lursail batean, zabaleran. Parke eolikoaren neurri zehatzak Industria, Merkataritza eta Turismo Sailak finkatuko du, proiektua baimentzeko Ebazpenean.

Parke eolikoko aerosorgailuak jar daitezkeen lursailari, kartografikoki, “*kokalekuaren eremua*” deituko zaio. Eremu horretan behar adina leku egongo da, parke eolikoak eta aerosorgailuek eska ditzaketen zehaztapenak, aldaketak eta aukerak gauzatzeko. Horiek guztiak, parkea osatzen duten elementuen koakera zehatzarekin batera, instalazio proiektuen bidez burutuko dira. Horien baimena, berriz, Industria, Merkataritza eta Turismo Sailak bideratuko du. Ingurumen inpaktuari buruzko ebaluazioa ere egingo zaie (12 eta 13. artikulua).

Parke eolikia behin gauzatu ondoren, parkeari lotuta geratu ez diren lursailei beste edozein erabilpen eman dakieke, betiere parkearen funtzionamendu zuzenarekin bateragarriak diren erabilpenak.

3.- Energia eolikia hartu eta transformatzeko jarduera burutzeko baimena, automatikoki, udalerriko hirigintza plangintzan sartuko da, Lurralde Plan Sektoriala behin indarrean sartzen denean; dena den, udalek euren plangintzara sarrera hori dokumentatzeko dagokion prozedura hasi dezakete.

4.- Parke eolikoak instalatzeko aukeratu diren kokalekuen lursailen inguruan, ondorengo erabilpenen erregimena ezartzen da. Erabilpena burutuko den lur zerrenda, zabaleran, izango da aerosorgailuen besoek, luzeran, neurtzen duten halako bi; bestalde, lur zerrenda horren ardatza izango da aerosorgailuen lerrokadura. Erabilpenen erregimena modu orokorrean eta energia eolikia hartzeko eta transformatzeko jardueraren inguruan ezartzen da.

1.- Baimendu daitezke:

- a) Parke eolikoak hartutako lur zerrendatik pasatu behar duten ganaduarentzat alanbrezko itxiturak jartzea edo zaintzea, zonako

abeltzaintza ustiapena egoki burutzeko. Kasu honetan, langak edo beste edozein sistema jarriko dira, parke barruko bidetik pasoa ez mozteko.

- b) Lur zerrendatik pasa behar duten lurpeko urentzat pasabideak egitea edo zaintzea. Pasabide horiek lurpeko kanalizazio elektrikoen zorrak errespetatuz egingo dira.
- c) Uraskak egitea edo zaintzea, ganaduak ura edan dezan.
- d) Zuhaitzak eta zuhaixkak aldatzea; betiere baxuak, haizearen zirkulazioa ez eragozteko eta, beraz, aerosorgailuei ez kalterik egiteko.
- e) Parke barruko bideak erabiltzea, zerbitzuko autoek pasatzeko, eta baita traktoreak eta nekazaritza, abeltzaintza eta basogintzako autoak pasatzeko ere, euren lantokietara joan daitezen.
- f) Obrak behin amaitzen direnean, parkeko instalazioekin benetan okupatuko den lursaila kalifikatutakoa baino askoz txikiagoa izango denez, okupatu gabe geratzen den lursaila horien jabeek erabil dezakete, ordu arte erabiltzen zutenetarako (nekazaritzarako, abeltzaintzarako...).

2.- Debekatuta egongo diren erabilpenak eta jarduerak izango dira energia elektrikoa sortzeko prozedura normalarekin eta parkeko instalazioen ezaugarriekin bateragarriak ez direnak, eta baita instalazio mota hauek behar dituzten segurtasun baldintzak errespetatzen ez dituztenak ere.

Hain zuzen, aipatutako lur zerrenda haren zonan debekatuta egongo da:

- a) Larreak, uztondoak edo beste edozein landaretza erretzea.
- b) Hegazti faunarentzat simaurtegiak edo jantoki osagarriak jartzea, gertuen dagoen aerosorgailutik hasi eta 5km baino gutxiagora.
- c) Parke barruko bideetatik motor autoetan ibiltzea, baimenduta izan ezik.
- d) Haizearen zirkulazioari eragozten dieten oztopoak jartzea.
- e) Delta hegalean, parapentean... airean ibiltzea, 80 metro baino baxuago.
- f) Lurpeko kanalizazioei eragin diezaiekeen landaketak egitea.

g) Jarduera zinegetikoak burutzea.

3.- Aurreko paragrafoan esandakoaz gain, energia elektrikoa pasatzeko zor bidea ere errespetatu beharko da, sektore elektrikoko Legearen, abenduaren 1eko 1995/2000ko Errege Dekretuaren eta nahitaezko desjabetzearen inguruko legeri orokorraren arabera.

Dena dela, ezin izango da instalatutako aerosorgailuen ekoizpen gaitasuna murriztuko duten jarduerarik burutu, ezta parke eolikoa zabaltzea mugatuko duten jarduerarik ere.

LEHEN XEDAPEN GEHIGARRIA

Administrazio eskumendunek sustatuko dute Plan honetan aurreikusitako baino haize-intentsitate txikiagoekin energia eolikoa aprobetxatzera zuzendutako teknologien garapena, mendi gunetatik kanpo parke eolikoak instalatzea ahalbidetzeko eta, horrela, Autonomia Erkidegoko natur eta paisaia ondareak epe luzera kontserbatzeko.

BIGARREN XEDAPEN GEHIGARRIA

1. Energia eolikoaren Lurralde Plan Sektorial honetan parke eolikoak instalatzeko aukeratutako kokalekuak dira Ordunte, Ganekogorta, Oiz, Gazume, Mandoegi, Kolometa, Elgea-Urkilla, Arkamo, Badaya, Montes de Iturrieta eta Cruz de Alda-Arlabakoak.

Energia eolikoaren Lurralde Plan Sektorialean kokaleku berriak sartzeko, Plana aldatu beharko da. Aurreko puntuko kokalekuren bat ateratzeko ere Plana aldatu beharko da.

10. artikuluan esandakoa kontuan izanik, aldaketen bidez hiru kokaleku baino gehiago sartu edo atera nahi badira, Lurralde Plan Sektoriala berrikusi beharko da. Hiru kokaleku arte sartzea edo ateratzea eskatzen duten aldaketak ez dira funtsezkotzat hartzen eta, beraz, ez da beharrezkoa izango Plana berrikustea.

2. Parke eolikoetako instalazioak Multzo I-eko kokalekuetan egingo dira aurrena (Ordunte, Ganekogorta, Oiz, Mandoegi, Elgea-Urkilla eta Badaya) eta Multzo II-n instalatzea baimenduko da egiaztatzen bada objektiboki zaila dela aurreikusitako helburu energetikoak erdiestea kokaleku horietara jo gabe (Gazume, Kolometa, Arkamo, Montes de Iturrieta eta Cruz de Alda-Arlaba).

Aurreko paragrafoan esandakoa kontuan izanik, parke eolikoak Multzo II-n instalatzeko baimena Gobernu Kontseiluak emango du, Industria, Merkataritza eta Turismo sailburuak hala proposatuta.

HIRUGARREN XEDAPEN GEHIGARRIA

1.- Oraingo Lurralde Planean aurreikusita ez dauden kokalekuetan, Espazio Natural Babestuak diren kasuan, Parke Eolikoak instalatu ahal izango dira soilik baldin Baliabide Naturalen Ordenaziorako Planean erabakia espezifikoki hartua bada, edo hartzen bada.

2.- Kolometako kokalekuak eskatzen ditu Gorbeia Baliabide Naturalen Ordenaziorako Planaren balorazioa eta egokitzapena.

LAUGARREN XEDAPEN GEHIGARRIA

1.- Hirigintza ordenazioko tresnak xedapen hauetara egokitu behar dira (6.1. artikulua), eta hori urtebeteko epean, Plan hau argitaratzen den egunetik hasita.

2.- Edozein modutan, Lurralde Plan Sektorial hau indarrean sartutakoan plangintza tresnak berrikusten ari diren udalerriak baldin badaude, udalerri horiek berrikuspen hori aprobetxatuz egokituko dituzte tresna horiek Plan honetara, nahitaez.